



Kalaallit Nunaanni Inatsisartut

Inatsisartut Aalisarnermut, Piniarnermut Nunalerinermullu Ataatsimiititaliaat

Att: Siulittaasoq Ane Hansen

Pillugu: Immikkoortumik 43-mik, aalisarnermut immikkoortitat pillugit Inatsisartut inatsisissaattut siunnersuummik suliarinninnermut atatillugu apeqquteqaatit.

Inatsisartut Aalisarnermut, Piniarnermut Nunalerinermullu Ataatsimiititaliaata Aalisarnermut aningaasaliisarnermut immikkoortitat pillugit Inatsisartut inatsisissaattut siunnersuummut ataani issuarneqartut apeqqutit uannut apeqqutigisimavai. Matumuuna ataatsimiititaliap apeqqutaanut akissutikka nassiuppakka.

25.oktober 2006
J.nr. 61.15
Postboks 269
3900 Nuuk
Oq/tel +299 34 50 00
Fax +299 32 47 04
apnp@gh.gl
www.nanoq.gl

1. Sinerissamut qanittumi aalisariutinik taarsersuinissat nutarterinissallu qanoq ittut ullumikkut pisariaqartinneqartut Naalakkersuisunit nalilerneqarpat aammalu konto pingaarnermi 50.06.50-imi aningaasaliussatut taaneqartut angallatitaarnissamik pilersaaruteqarlutik qinnuteqaateqartut tamarmik namminerlu akileeqaataassutissanik 80%-iusunik pisariaqartunik pissarsereersimasut 2007-imi tapiissuteqarfigineqarnissaannut naammappat?

Taarsersuinissanut nutarterinissanullu pisariaqartitsineq ullumikkut qanoq innersoq oqaatigissallugu ajornakusoorpoq ajornavilluniluunniit, tassami siullertut suliniutit tamakku aalisartunit namminernit suliniutigineqartussaammata aappaattullu allanngortuartaassallutik aalisarnermut ingerlatsinissami piumasaqaatigineqartut allanngortartillugit. Taakkulu aalisarnerup annertussusianik tikinneqarsinnaassusianik, niuernerme akigitinneqartunik erniallu qaffasissusiinik imaqarsinnaapput.

Raajarniarneq pillugu:

Naalakkersuisut nalilerpaat ukiuni tulliuuttuni marlussunni raajarniarnermi taarsersuinissat nutarterinissallu pisariaqartinneqarpallaarnaviannngitsut, tassami ullumikkut naammassisaqarsinnaassuseq annertummat raajat akiinut annikitsuararsuarnut naleqqiullugu. Taamaattumik ullumikkut angallatinut nutaanut nutarterinissanulluunniit akilersinnaasumik ingerlanneqarsinnaasunut aningaasaliisoqarusuttoqarsinnaanera qularnartutut oqaatigineqartariaqarpoq.

Qaleralinniarneq pillugu:

Qaleralittassatut isumalluutit ataatsimut isigalugit killeqarput. Tamanna tunngavigalugu Naalakkersuisut qaleralinniarnermi aqqissuussaannermut allannguutissanik annertuunik saqqummiussaqaarnialersaarput, pissutigalugu Naalakkersuisut qaleralinniarnerup eqqarsaatigilluagaasumik imminerlu akilersinnaasumik ineriartortin-

neqarnissaa kissaatigimmassuk. Ullumikkut Upernaviup, Uummannap Ilulissallu eqqaanni qaleralittassatut tunngavigineqarput 15.000 tonsiniit 20.000 tonsinut. Naalakkersuisut nalilerpaat, angallat aningaasatigut akilersinnaasumik ingerlanneqassappat minnerpaamik qaleralinnik 400 tonsinik aalisartariaqartoq. Imaappoq, aalisagassatut isumalluutit taamaallaat angallatinut 50-it tungaanut amerlatigisunut inissaqartitsisinnaapput.

2006-imi Aningaasanut Inatsimmi 2007-imullu Aningaasanut Inatsisissatut siunnersuummi immikkoortinneqarsimasut katillugit 41,2 mio. kr.-iusut, taakkunanngalu naatsorsuutigineqarluni 8 mio. kr.-it missaat suliniutinut nutaaliortunut atorneqassasut, tunngaviliipput katillugit 165 mio. kr.-it missaat qaleralinniarnermi taarsersuinissamut nutarterinissamullu aningaasaliissutigineqarsinnaanerinit, tassani tunngavigineqarluni aningaasaliinermi 20%-i tapiissutitut tunniunneqarnissaa. Eqqoriarneqarpat angallat nutaaq naammassisaqarluarsinnaasorlu 6 mio. kr.-it missaannik akeqassasoq, taava qaleralinniarnermut atugassanut angallatinut nutaanut 27-t missaanniittunut tapiisoqarsinnaavoq.

Uani ilanngunneqassaaq aqqissuussinerup aallaqqaammut pilersaarutigineqarnerani eqqarsaatigineqarsimagaluarmat inuussutissarsiut immineq akileeqaataassasoq. Periarfissaq tamanna suli ammavoq.

2. Niuernermik aallaaveqarluni sinerissamut qanittumi aalisarnerup tamakkiisumik imminut aningaasalersulernissaanik naatsorsuutiginninneq eqqarsaatigigaanni tapiissuteqartarnermik aqqissuussinermi piffissaq qanoq sivilisutisigoq aallaavittut eqqarsaatigineqarsimanersoq Naalakkersuisut paasisutissiissutigisinnaavaat? Tamatumani takussutissiami M 2008 taassumalu kingorna ukiut tulliuttut innersuussutigineqarput?

Aqqissuussaaneermik naleqqussaaneq, ingammik qaleralinniarnernerup iluani, piffissamik pisariaqartitsivoq, immikkoortitanillu aningaasanik ilanngaasarneq assigiingiaartumik pisassasoq naatsorsuutigineqarmat, aningaasaliisarnermut aqqissuussineq ukiunik qulinik sivilisussulittut isigisariaqarpoq.

Naalakkersuisut suli naluuat 2007-imi qassit tapiissutinik qinnuteqassanersut. Aalajangersimalluinnartumik oqaatigineqarsinnaangilaq. Kisianni inatsisissatut siunnersuutip aappassaaneerneqarnerani allannguutissatut siunnersuutissap ammaatissavaa, Aningaasanut Inatsimmi atuuttumi kontomi pingaarnermi 50.06.50-imi atunngitsuukkat Aningaasanut Inatsimmut tulliuttumut nuunneqarsinnaangornissaat. Aqqissuussinermi taamaattumi aningaasaliissutit atunngitsuukkat ukiumi tulliuttumi atorneqarsinnaalissapput, taamaalillunilu tapiissutit pisariaqartinneqalerneranni tunniunneqartassallutik.

3. Suliassat nutaaliorfiusut Inatsisartut inatsisaanni aamma ilaatinneqartut ataatsimiititaliamit maluginiarneqarpoq, tamatumani aalisarnermik inuussutissarsiornermi suliassanut nutaaliorfiusunut tunngatillugu pisinermi akigitinneqartup 50%-ia angullugu tapiissuteqarfissaq ukiumik ataasiinnarmik eqqarsaatigineqarluni. Piffissaq tapiissuteqarfissaq ukiumik ataasiinnarmik sivilisussulilik suliassat "nutaaliorfiusut" aningaasaqarnikkut aallartinissarnissaannut, taamaalillutillu taakku aningaasaqarnikkut imminnut napatissin-

naanissaannut Naalakkersuisunit naammattutut isigineqarpa, tamatumani takussutissiami M 2008 taassumalu kingorna ukiut tulliuuttut innersuusutigineqarput?

Suliniutinut nutarterisunut eqqarsaatigineqarpoq aallartinnermi/aallarniinnermi aningaasartuutit. Ingerlatsinnermut tapiissutinik "ingerlaavartunillu tapiissutinik" tunisisoqarsinnaangilaq. Aaqqissuussinnermi uani nutaami suliniutinut nutarterisunut Naalakkersuisut aallartitseqataasutut/pinngortitseqataasutut peqataaniarput. Naalakkersuisut nalilerpaat pisinnermi aningaasartuutinut ataasiarluni 50%-imik tapiissuteqarneq tulluortoq, suliniutinullu nutarterisunut aningaasat immikkoortinneqarsimasut taamaalillutik atorluarneqarnerusinnaallutik.

4. Sinerissamut qanittumi aalisarnermi aningaasalersuinissamik pisariaqar-titsineq suliani allassimasoq namminersortunit tamakkiisumik isumagineqar-sinnaangippat Naalakkersuisut 2008-mi tamatumalu kingorna amerlane-rusunik aningaasaliissuteqalersaarnersut paasissutissiissutigineqassasoq ataatsimiititaliap kissatigaa?

Naalakkersuisut pilersaarutigaat ataavartumik aningaasat atorneqartut nalilersus-sallugit minnerunngitsumillu nalilersussallugu aningaasat taakku atorneqarsimane-risa kingunerisaat. Taamatut nalilersuinerup Naalakkersuisut kingusinnerusukkut aningaasanik annertunerusunik qinnuteqartoqartariaqarnerasoq tunngavissaqaler-sissavaat.

Qanoq annertutigisunik qaqugulu taama pissanersoq ullumikkut oqaatigineqarsin-naangilaq. Naalakkersuisut isumaqarput, aaqqissuussinerup kingunerinik nalilii-nissaq pisinnagu aaqqissuussineq sivisulaamik atuuteqqaartariaqartoq.

Ikinngutinnersumik inuulluaqqusillunga

Finn Karlsen

Aalisarnermut, Piniarnermut Nunalerinermullu Naalakkersuisoq